

I. DISPOSICIÓN XERAIS

MINISTERIO DE AGRICULTURA, PESCA E ALIMENTACIÓN

13412 *Real decreto 536/2019, do 20 de setembro, polo que se modifica o Real decreto 1338/2018, do 29 de outubro, polo que se regula o potencial de produción vitícola.*

O Real decreto 1338/2018, do 29 de outubro, polo que se regula o potencial produtivo vitícola, establece a normativa básica para regular o sistema de autorizacións de plantacións de viñedo, o potencial produtivo vitícola e a clasificación de variedades de uva de vinificación autorizadas.

Coa finalidade de dotar de maior estabilidade o sector vitivinícola e garantir maior seguridade xurídica nalgúns aspectos, cómpre realizar algúns axustes técnicos no texto do Real decreto 1338/2018, do 29 de outubro, e que estes se apliquen o antes posible, na campaña inmediatamente seguinte á que empezou a atermarse ao actual real decreto.

No referente á aplicación de sistema de autorizacións, modifícanse parcialmente os artigos 7, 8, 10, 11, 17, 18 e 23, e os anexos I e VI, para mellorar a aplicación do proceso de concesión de autorizacións de novas plantacións e de replantacións, de modo que se mellore o equilibrio temporal entre as autorizacións concedidas e a superficie efectiva, se racionalice a participación dos diferentes entes concernidos no proceso, asegurando a máxima seguridade xurídica e claridade na súa aplicación, e se garanta o cumprimento sostido no tempo dos compromisos adquiridos segundo a normativa que precedeu este real decreto.

No que respecta ao potencial vitícola, modifícase a nota ao rodapé do cadro B do anexo XII, para clarificar a data de referencia dos datos comunicados.

E, finalmente, no que a variedades de uva de vinificación se refire, actualízase a lista de variedades autorizadas contida no anexo XXI coas novas variedades que as comunidades autónomas clasificaron, conforme o disposto no mencionado real decreto, e comunicaron ao Ministerio de Agricultura, Pesca e Alimentación desde a recente publicación do dito real decreto.

Este real decreto dítase ao abeiro da habilitación para o desenvolvemento e a execución da Lei 24/2003, do 10 de xullo, da viña e o viño, incluída na disposición derradeira primeira da dita norma legal.

A regulación que se contén neste real decreto axústase aos principios previstos no artigo 129 da Lei 39/2015, do 1 de outubro, do procedemento administrativo común das administracións públicas. Así, de acordo cos principios de necesidade e eficacia, xustifícase esta norma na necesidade de establecer unha ordenación adecuada do sector vitícola. Cúmrese o principio de proporcionalidade e a regulación límitase ao mínimo imprescindible para aplicar a normativa da Unión Europea. En aplicación do principio de eficiencia, non se prevén cargas administrativas adicionais ás existentes. En aplicación do principio de transparencia, ademais da audiencia pública, durante a tramitación desta disposición deuse unha ampla participación aos actores implicados.

Na tramitación desta norma consultáronse as comunidades autónomas e entidades representativas dos sectores afectados, e efectuouse a audiencia pública.

Na súa virtude, por proposta do ministro de Agricultura, Pesca e Alimentación, de acordo co Consello de Estado e logo de deliberación do Consello de Ministros na súa reunión do día 20 de setembro de 2019,

DISPOÑO:

Artigo único. *Modificación do Real decreto 1338/2018, do 29 de outubro, polo que se regula o potencial de produción vitícola.*

O Real decreto 1338/2018, do 29 de outubro, polo que se regula o potencial de produción vitícola, queda modificado como segue:

Un. Os números 3, 4 e 7 do artigo 7 quedan redactados da seguinte forma:

«3. As recomendacións, acompañadas da documentación a que se refire o número 2, deberán conter a información mínima indicada nos anexos I.A e I.B.1, e presentaranse antes do 1 de novembro do ano anterior a aquel en que se pretenda que produzan efectos nas autorizacións concedidas ante:

a) O Ministerio de Agricultura, Pesca e Alimentación, para as recomendacións de limitación de autorizacións de nova plantación a nivel nacional, e para as recomendacións de limitación de autorizacións de nova plantación no ámbito dunha denominación de orixe protexida supraautonómica.

b) A comunidade autónoma, para as recomendacións de limitación de autorizacións de nova plantación no ámbito dunha DOP que só se localice no seu territorio.

4. O Ministerio de Agricultura, Pesca e Alimentación aceptará as recomendacións presentadas polos consellos reguladores das DOP supraautonómicas que cumpran co exixido no anexo I.B.1 e resolverá respecto do resto.»

«7. As limitacións que se adopten como consecuencia das recomendacións presentadas polos consellos reguladores das DOP supraautonómicas aceptadas en virtude do número 4, e a decisión adoptada para o resto, mediante resolución da Dirección Xeral de Producións e Mercados Agrarios do Ministerio de Agricultura, Pesca e Alimentación, publicaranse no “Boletín Oficial del Estado” mediante resolución da citada dirección xeral e serán de aplicación desde o día da súa publicación.

Igualmente, mediante a dita resolución faranse públicas as decisións adoptadas polas comunidades autónomas respecto das recomendacións previstas no número 3.b), que serán igualmente de aplicación desde a publicación da citada resolución no “Boletín Oficial del Estado”.»

Dous. No artigo 8.1.b), o ordinal 6.º, letra i), e o primeiro parágrafo do ordinal 7.º quedan redactados da seguinte forma:

«i) O control efectivo sobre a persoa xurídica sexa exercido por unha persoa física ou persoas físicas que ten a dita capacidade e competencia conforme algún dos ordinais 1.º a 5.º Para isto, a persoa física ou persoas físicas en cuestión deberá ter o poder de decisión dentro da dita persoa xurídica, o que exige que a súa participación no capital social da persoa xurídica sexa máis da metade do capital social total desta e que posúa máis da metade dos dereitos de voto dentro dela, e, no suposto que non exista capital social pola forma xurídica, que posúa máis da metade dos dereitos de voto dentro dela.»

«7.º Non obstante o anterior, para os efectos previstos nesta letra b), cando a persoa solicitante sexa unha persoa física, no caso de que a superficie para a cal se solicita a autorización de nova plantación se localice nunha zona delimitada por unha DOP para a cal se establece unha limitación no ano da solicitude, a comunidade autónoma que tomase a decisión con base nunha recomendación segundo o artigo 7.5 poderá considerar obrigatorio para que a solicitude sexa

admisible, e de forma adicional a algún dos requisitos dos ordinais 1.º a 5.º, que a persoa solicitante estivese dada de alta no réxime da Seguridade Social da actividade agraria durante, ao menos, dous anos dentro dos cinco anteriores á presentación da solicitude.»

Tres. As letras a) e b) do artigo 10.1 quedan redactadas da seguinte forma:

«a) Que o solicitante sexa unha persoa física que no ano da presentación da solicitude non faga máis de 40 anos e sexa un novo viticultor ou, se se trata de persoa xurídica, que teña como socio un novo viticultor que non faga máis de 40 anos no ano de presentación da solicitude e exerza un control efectivo por si só ou con outro ou outros mozos novos viticultores, nos termos previstos no parágrafo cuarto desta letra a).

Para a comprobación do requisito sobre a plantación por primeira vez, no momento da apertura do prazo de solicitudes comprobarase que o solicitante non fose titular de ningunha parcela de viñedo no Rexistro Vitícola.

Para a comprobación da condición do solicitante como xefe de explotación deberase comprobar que, no momento de apertura do prazo de solicitudes, o solicitante é quen está asumindo o risco empresarial da súa explotación, para o que a autoridade competente poderá solicitar toda a documentación que considere necesaria.

Considerarase que unha persoa xurídica, independentemente da súa forma xurídica, cumpre este criterio de prioridade se reúne algunha das condicións establecidas nos números 1) e 2) da epígrafe A do anexo II do Regulamento delegado (UE) n.º 2018/273 da Comisión, do 11 de decembro de 2017. Para estes efectos, entenderase que un novo viticultor exerce o control efectivo sobre a persoa xurídica por si só ou con outro ou outros mozos novos viticultores cando teña o poder de decisión dentro da dita persoa xurídica, o que exige que a súa participación no capital social da persoa xurídica sexa máis da metade do capital social total desta e que posúa máis da metade dos dereitos de voto dentro dela e, no suposto de que non exista capital social pola forma xurídica, que teña máis da metade dos dereitos de voto dentro dela.

b) Que a persoa solicitante sexa un viticultor na data de apertura do prazo de solicitudes, persoa física que no ano da presentación da solicitude non faga máis de 40 anos e que, na data de apertura do prazo de solicitudes, e no momento de concesión da autorización se a comunidade autónoma o considera oportuno e cos seus propios medios, non teña plantacións de viñedo sen autorización, de acordo co establecido no artigo 71 do Regulamento (UE) n.º 1308/2013 do Parlamento Europeo e do Consello, do 17 de decembro, ou sen dereito de plantación, de acordo co establecido nos artigos 85 bis e 85 ter do Regulamento (CE) n.º 1234/2007 do Consello, do 22 de outubro de 2007. Ademais, deberase cumprir que na data de apertura do prazo de solicitudes non lles vencese ningunha autorización para nova plantación concedida anteriormente por non ter sido utilizada, non teña plantacións de viñedo abandonado no Rexistro Vitícola desde hai oito anos até a data de apertura do prazo de solicitudes e non incumprise algún dos compromisos indicados nos artigos 8.2.b) e 17.3 deste real decreto, no artigo 10.a) do Real decreto 740/2015, do 31 de xullo, polo que se regula o potencial de produción vitícola, e se modifica o Real decreto 1079/2014, do 19 de decembro, para a aplicación das medidas do programa de apoio 2014-2018 ao sector vitivinícola, e no 10.1.a) do Real decreto 772/2017, do 28 de xullo, polo que se regula o potencial produtivo vitícola.»

Catro. Os números 5 e 8 do artigo 11 quedan redactados como segue:

«5. Os solicitantes a que se conceda unha autorización por menos do 50% da superficie admisible total da súa solicitude poderán renunciar na súa totalidade no mes seguinte á data da notificación da resolución. As comunidades autónomas comunicarán á Dirección Xeral de Producións e Mercados Agrarios, como máis

tarde o 1 de outubro de cada ano, a información sobre superficie obxecto de renuncia referida neste parágrafo e indicar a rexión e a zona de produción onde está localizada a superficie desistida, para a súa remisión á Comisión Europea en cumprimento do artigo 33.2.a) do Regulamento de execución (UE) n.º 2018/274 da Comisión, do 11 de decembro de 2017. A superficie liberada por renuncias dun ano porase á disposición para a concesión de autorizacións de novas plantacións de forma adicional á superficie máxima dispoñible que se estableza para o ano seguinte en virtude do artigo 6.1.

As comunidades autónomas deberán resolver os recursos estimatorios aplicando á superficie admisible o mesmo rateo que se lle aplicaríase á súa solicitude de ter sido resolta antes do 1 de agosto do ano en que se presentou a solicitude e tendo en conta que non se supere a superficie admisible máxima por solicitante aplicado no procedemento de concesión de autorizacións de novas plantacións do ano en que se presentou a solicitude. As comunidades autónomas comunicarán á Dirección Xeral de Producións e Mercados Agrarios, como máis tarde o 1 de outubro, conforme o anexo VI, a información sobre a superficie liberada por desistencias e erros detectados despois de que o Ministerio de Agricultura, Pesca e Alimentación comunicase a superficie que se concederá segundo o número 3, e a información sobre a superficie concedida nos recursos que se resolven de forma estimatoria até ese momento e por erros, co fin de poder realizar un balance.

O resultado do balance entre superficie liberada por desistencias e erros e concedida por recursos estimatorios e erros será tido en conta á hora de establecer a superficie máxima dispoñible para o ano seguinte referida no artigo 6.1.

En caso de que a superficie resultante do balance entre superficie liberada por desistencias, renuncias e erros, e a concedida por recursos estimatorios e erros sexa superior á superficie máxima dispoñible para autorizacións de novas plantacións fixada para unha denominación de orixe protexida nese ano, esta superficie excedente será descontada do límite máximo de superficie dispoñible que adoptará esa DOP para o ano seguinte. Polo contrario, se a resultante do dito balance é inferior á mencionada superficie máxima dispoñible, a dita superficie engadirase á superficie dispoñible que adoptará esa DOP para o ano seguinte. Para isto, o Ministerio de Agricultura, Pesca e Alimentación comunicará ás comunidades autónomas afectadas o resultado do balance que deben ter en conta, como máis tarde o 1 de novembro.»

«8. A plantación deberá permanecer un período mínimo de cinco anos desde que se realizase a comunicación referida no artigo 11.7 en réxime de explotación e non poderá venderse nin arrendarse a outra persoa física ou xurídica, salvo causa de forza maior ou circunstancias excepcionais previstas no artigo 2 do Regulamento (UE) n.º 1306/2013 do Parlamento Europeo e do Consello, do 17 de decembro de 2013, sobre financiamento, xestión e seguimento da política agrícola común.»

Cinco. Os números 1 e 2 do artigo 17 quedan redactados da seguinte forma:

«1. De conformidade co artigo 66.3 do Regulamento (UE) n.º 1308/2013 do Parlamento Europeo e do Consello, do 17 de decembro, e en virtude do artigo 6 do Regulamento delegado (UE) n.º 2018/273 da Comisión, do 11 de decembro de 2017, poderase restrinxir totalmente a concesión das autorizacións de replantación de viñedo se a superficie que se vai replantar pode optar para a produción de viños cunha denominación de orixe protexida onde se aplicou unha limitación de concesión ás novas plantacións de acordo co artigo 7, e para a cal se realizou unha recomendación de acordo co artigo 18, xustificada pola necesidade de evitar un risco ben demostrado de devaluación significativa dunha denominación de orixe protexida.

2. As restricións serán aplicables durante un ano desde a data de publicación da restrición aprobada, segundo o artigo 18.7, a todas as solicitudes de autorizacións

que se presenten conforme o artigo 15. No caso de que a recomendación en que se basee a dita restrición se realizase por un período superior a un ano, as ditas restricións poderanse aplicar polo mesmo prazo da recomendación desde a data de publicación da resolución.»

Seis. Os números 3, 4 e 7 do artigo 18 quedan redactados da seguinte forma:

«3. As recomendacións deberán conter a información mínima indicada no anexo I.B.2) e presentaranse, acompañadas da documentación a que se refire o número anterior, antes do 1 de novembro do ano anterior a aquel en que se pretenda que produzan efectos, ante:

a) O Ministerio de Agricultura, Pesca e Alimentación, para as recomendacións de restrición de autorizacións de replantación e por conversión de dereitos no ámbito dunha DOP supraautonómica.

b) A comunidade autónoma, para as recomendacións de restricións de autorizacións de replantación e por conversión de dereitos no ámbito dunha DOP que só se localice no seu territorio.

4. O Ministerio de Agricultura, Pesca e Alimentación aceptará as recomendacións presentadas polos consellos reguladores das DOP supraautonómicas que cumpran co exixido no anexo I.B.2 e resolverá respecto do resto.»

«7. As restricións que se adopten como consecuencia das recomendacións presentadas polos consellos reguladores das DOP supraautonómicas aceptadas en virtude do número 4, e a decisión adoptada para o resto, mediante resolución da Dirección Xeral de Producións e Mercados Agrarios do Ministerio de Agricultura, Pesca e Alimentación, publicaranse no “Boletín Oficial del Estado” mediante resolución da citada dirección xeral e serán de aplicación desde o día da súa publicación.

Igualmente, mediante a dita resolución faranse públicas as decisións adoptadas polas comunidades autónomas respecto das recomendacións previstas no número 3.b), que serán igualmente de aplicación desde a publicación da citada resolución no “Boletín Oficial del Estado”.»

Sete. O número 3 do artigo 23 queda redactado da seguinte forma:

«3. A nova superficie agraria deberá estar á disposición da persoa solicitante en propiedade, ou en réxime de arrendamento ou parzaría, ou calquera outra forma conforme co dereito que poida demostrar mediante documento liquidado dos correspondentes tributos, no momento da presentación da solicitude de modificación e no momento da comunicación da plantación, que a persoa solicitante deberá realizar de acordo co establecido no número 7.

No caso de que a solicitude sexa para modificar a localización dunha autorización concedida para unha nova plantación en virtude da sección 1.^a, a persoa solicitante deberá xustificar que na data de apertura do prazo de presentación de solicitudes da concesión da autorización que se vai modificar segundo o artigo 9 tiña á súa disposición a superficie para a cal se solicita a modificación.

Para os efectos do cumprimento do presente número terase en conta o establecido nos parágrafos primeiro, segundo, cuarto e quinto do artigo 8.1.a).»

Oito. O anexo I.A e o anexo I.B quedan redactados da seguinte maneira:

«ANEXO I.A

Información e documentación mínima das recomendacións da Organización Interprofesional do Viño sobre a limitación de autorizacións de nova plantación a nivel nacional (artigo 7.3)

- a) Organización interprofesional propoñente, xustificación da súa representatividade no ámbito nacional e importancia no sector.
- b) Acordo adoptado polo órgano decisorio da organización, xustificado mediante certificado asinado polo representante legal da organización con data anterior ao 1 de novembro do ano en que se presente a recomendación.
- c) Recomendación proposta: porcentaxe recomendada que se propón conceder para autorizacións de novas plantacións para todo o territorio nacional, que deberá ser superior ao 0% e como máximo do 1%.
- d) Xustificación da recomendación. Estudo que xustifique a limitación polo motivo recollido no artigo 63.3.a) do Regulamento (UE) n.º 1308/2013 do Parlamento Europeo e do Consello, do 17 de decembro.

ANEXO I.B

1. Información e documentación mínima das recomendacións da organización interprofesional con representatividade na zona xeográfica da DOP ou consello regulador da DOP sobre a limitación de autorizacións para novas plantacións no ámbito dunha DOP (artigo 7.3)

- a) Organización interprofesional con representatividade na zona xeográfica da DOP ou consello regulador da DOP e xustificación da súa representatividade na zona xeográfica da DOP en cuestión e importancia económica e sectorial na DOP.
- b) Acordo adoptado polo órgano decisorio da organización interprofesional ou consello regulador, entre as partes representativas relevantes da zona xeográfica que se trate, sobre a limitación de concesión de autorizacións de nova plantación, xustificado mediante certificado asinado polo representante legal da organización interprofesional ou do consello regulador con data anterior ao 1 de novembro do ano en que se presente a recomendación.
- c) Zona xeográfica en que se aplicaría a recomendación de limitar a concesión de autorizacións de novas plantacións.
- d) Período de aplicación da recomendación.
- e) Estudo que xustifique a recomendación de limitar a concesión de autorizacións de nova plantación con base nos motivos recollidos no artigo 63.3 do Regulamento (UE) n.º 1308/2013 do Parlamento Europeo e do Consello, do 17 de decembro.
- f) Superficie máxima (hectáreas) para a concesión de autorizacións de novas plantacións e xustificación da superficie proposta.

2. En caso de que a organización interprofesional con representatividade na zona xeográfica da DOP ou consello regulador da DOP propoña unha limitación de autorizacións para novas plantacións no ámbito dunha DOP segundo o punto 1), a información e documentación mínima das recomendacións da organización interprofesional con representatividade na zona xeográfica da DOP ou consello regulador da DOP sobre restricións ás autorizacións para replantación e autorizacións por conversión dun dereito de plantación (artigos 18.3 e 22.4) será a seguinte:

- a) Acordo adoptado polo órgano decisorio da organización interprofesional ou consello regulador, entre as partes representativas relevantes da zona xeográfica de

que se trate, sobre a limitación de concesión de autorizacións de nova plantación, xustificado mediante certificado asinado polo representante legal da organización interprofesional ou do consello regulador con data anterior ao 1 de novembro do ano en que se presente a recomendación.

b) Zona xeográfica en que se aplicaría a recomendación de restrinxir as autorizacións de replantación e as autorizacións por conversión dun dereito de plantación.

c) Período de aplicación da recomendación.

d) Estudo que xustifique a recomendación de restrinxir as autorizacións de replantación e as autorizacións por conversión dun dereito de plantación recollido no artigo 6 do Regulamento delegado (UE) n.º 2018/273 da Comisión, do 11 de decembro, polo que se completa o Regulamento (UE) n.º 1308/2013 do Parlamento Europeo e do Consello no que respecta ao réxime de autorizacións para plantacións de vide, e no artigo 8 do Regulamento de execución (UE) n.º 2018/274 da Comisión, do 11 de decembro, polo que se establecen disposicións de aplicación do Regulamento (UE) n.º 1308/2013 do Parlamento Europeo e do Consello, no que respecta ao réxime de autorizacións para plantacións de vide.»

Nove. No anexo VI substitúese a nota ao rodapé pola seguinte:

«Data límite de comunicación: 1 de outubro

* consideraranse só as desistencias desde que as comunidades autónomas comuniquen ao Ministerio de Agricultura, Pesca e Alimentación a lista definitiva de superficies admisible segundo o artigo 11.3 até o día anterior á data da notificación da resolución estimatoria da superficie concedida.

** consideraranse os erros detectados despois de que o Ministerio de Agricultura, Pesca e Alimentación comunique ás comunidades autónomas a superficie obxecto de concesión segundo o artigo 11.3 e polos que esa superficie non se pode conceder.

*** consideraranse a superficie admitida por recursos resoltos favorablemente ou por erros detectados despois de que o Ministerio de Agricultura, Pesca e Alimentación comunique ás comunidades autónomas a superficie obxecto de concesión segundo o artigo 11.3 polos que esa superficie se debe conceder.

**** para obter a superficie concedida aplicarase á superficie admisible o mesmo rateo que se lle aplicaría á solicitude de terse resolto como concedida antes do 1 de agosto do ano en que se presentou a solicitude.»

Dez. No anexo XII, cadro B, substitúese a nota ao rodapé pola seguinte:

«* Non incluídas nas autorizacións de replantación concedidas comunicadas no cadro A.

Datos referidos ao 31 de xullo da campaña vitícola anterior á comunicación.

Data límite de comunicación: 1 de outubro.»

Once. O anexo XXI queda redactado da seguinte forma:

«ANEXO XXI

Clasificación das variedades de vide

1. Comunidade Autónoma de Andalucía

Provincias: Almería, Cádiz, Córdoba, Granada, Huelva, Jaén, Málaga, Sevilla:

Variedades autorizadas:

Airén, B.

Albariño, B.
Albillo Real, B.
Bobal, T.
BlauerLimberger, Blaufränkisch, T.
Cabernet Franc, T.
Cabernet Sauvignon, T.
Colombard, B.
Chardonnay, B.
Doradilla, B.
Garnacha Blanca, B.
Garnacha Tinta, T.
Garrido Fino, B.
Gewürztraminer, B.
Graciano, T.
Jaén Tinto, T.
Lairen, B.
Listán del Condado, B.
Macabeo, Viura, B.
Malbec, T.
Malvasía Aromática, B.
Marselán, T.
Mencia, T.
Merlot, T.
Molinera, T.
Mollar Cano, T.
Monastrell, T.
Montúa, Chelva, B.
Moscatel de Alejandría, Moscatel de Málaga, B.
Moscatel de Grano Menudo, Moscatel Morisco, B.
Moscatel Negro, T.
Palomino Fino, Listán Blanco, B.
Palomino, B.
Pardina, Baladí, Baladí Verdejo, Calagraño, Jaén Blanco, B.
Pedro Ximénez, B.
Perruno, B.
Petit Verdot, T.
Pinot Noir, T.
Prieto Picudo, T.
Riesling, B.
Rome, B.
Sauvignon Blanc, B.
Syrah, T.
Tempranillo, T.
Tintilla de Rota, T.
Tinto Velasco, Frasco, Blasco, T.
Torrontés, B.
Verdejo, B.
Vermentino, B.
Vijariego Blanco, Bigiriego, B.
Viognier, B.
Zalema, B.

2. *Comunidade Autónoma de Aragón*

Provincias: Huesca, Teruel, Zaragoza:

Variedades autorizadas:

Agudelo, CheninBlanc, B.
Alarije, Malvasía Riojana, Rojal, B.
Alcañón, B.
Bobal, T.
Cabernet Franc, T.
Cabernet Sauvignon, T.
Caladoc, T.
Chardonnay, B.
Derechero, T.
Garnacha Blanca, B.
Garnacha Peluda, T.
Garnacha Roja, Garnacha Gris, T.
Garnacha Tinta, T.
Garnacha Tintorera, T.
Gewürztraminer, B.
Graciano, T.
Macabeo, Viura, B.
Marselan, T.
Mazuela, Cariñena, T.
Merlot, T.
Merseguera, B.
Miguel del Arco, T.
Monastrell, T.
Moristel, Juan Ibáñez, Concejón, T.
Moscatel de Alejandría, B.
Moscatel de Grano Menudo, B.
Pardina, Robal, B.
Parellada, B.
Parraleta, T.
Pinot Noir, T.
Riesling, B.
Sauvignon Blanc, B.
Syrah, T.
Tempranillo, Cencibel, T.
Tempranillo blanco, B.
Verdejo, B.
Vidadillo, T.
Viognier, B.
Xarello, B.

3. *Comunidade Autónoma do Principado de Asturias*

Variedades autorizadas:

Albarín Blanco, B.
Albariño, B.
Albillo Mayor, B.
Bruñal, Albarín Tinto, T.
Carrasquín, T.
Chardonnay, B.
Garnacha Tinta, T.

Garnacha Tintorera, T.
Gewürztraminer, B.
Godello, B.
Graciano, T.
Mencia, T.
Merlot, T.
Moscatel de Grano Menudo, B.
Palomino, B.
Picapoll Blanco, Extra, B.
Pinot Noir, T.
Riesling, B.
Sauvignon Blanc, B.
Syrah, T.
Treixadura, B.
Verdejo Negro, T.

4. *Comunidade Autónoma de Illes Balears*

Variedades autorizadas:

Cabernet Sauvignon, T.
Callet, T.
Chardonnay, B.
Escursac, T.
Fogoneu, T.
Garnacha Blanca, B.
Garnacha Tinta, T.
Giró Ros, B.
Gorgollassa, T.
Macabeo, Viura, B.
Malvasía Aromática, Malvasía de Banyalbufar, B.
Manto Negro, T.
Merlot, T.
Moll, Pensal Blanca, Prensai, B.
Monastrell, T.
Moscatel de Alejandría, B.
Moscatel de Grano Menudo, B.
Parellada, B.
Petit Verdot, T.
Pinot Noir, T.
Riesling, B.
Sauvignon Blanc, B.
Syrah, T.
Tempranillo, T.
Viognier, B.

5. *Comunidade Autónoma de Canarias*

Provincias: Las Palmas, Santa Cruz de Tenerife:

Variedades autorizadas:

Albillo Criollo, B.
Bastardo Blanco, Baboso Blanco, B.
Bastardo Negro, Baboso Negro, T.
Bermejuela, Marmajuelo, B.

Breval, B.
Burrablanca, B.
Cabernet Sauvignon, T.
Castellana Negra, T.
Doradilla, B.
Forastera Blanca, B.
Gual, B.
Listán Blanco de Canarias, B.
Listán Negro, Almuñeco, T.
Listán Prieto, T.
Malvasía Aromática, B.
Malvasía Rosada, T.
Malvasía Volcánica, B.
Merlot, T.
Moscatel de Alejandría, B.
Moscatel Negro, T.
Negramoll, T.
Pedro Ximénez, B.
Pinot Noir, T.
Ruby Cabernet, T.
Sabro, B.
Syrah, T.
Tempranillo, T.
Tintilla, T.
Torrontés, B.
Verdello, B.
Vijariego Blanco, Diego, B.
Vijariego Negro, T.

6. *Comunidade Autónoma de Cantabria*

Variedades autorizadas:

Albarín Blanco, B.
Albariño, B.
Cabernet Sauvignon, T.
Carrasquín, T.
Chardonnay, B.
Garnacha Tinta, T.
Gewürztraminer, B.
Godello, B.
Graciano, T.
Hondarrabi Beltza, Ondarrabi Beltza, T.
Hondarrabi Zuri, Ondarrabi Zuri, B.
Mencia, T.
Merlot, T.
Palomino, B.
Riesling, B.
Syrah, T.
Tempranillo, Tinta de Toro, T.
Treixadura, B.

7. *Comunidade Autónoma de Castilla-La Mancha*

Provincias: Albacete, Ciudad Real, Cuenca, Guadalajara, Toledo:

Variedades autorizadas:

Airén, B.
Alarije, B.
Albarín Blanco, B.
Albariño, B.
Albillo Dorado, B.
Albillo Real, B.
Bobal, T.
Cabernet Franc, T.
Cabernet Sauvignon, T.
Colombard, B.
Coloraillo, T.
Chardonnay, B.
Forcallat Tinta, T.
Garnacha Blanca, B.
Garnacha Peluda, T.
Garnacha Tinta, T.
Garnacha Tintorera, T.
Gewürztraminer, B.
Graciano, T.
Macabeo, Viura, B.
Malbec, T.
Malvar, B.
Malvasía Aromática, B.
Marselan T.
Mazuela, Cariñena, T.
Mencía, T.
Merlot, T.
Merseguera, B.
Monastrell, T.
Montúa, Chelva, B.
Moravia Agria, T.
Moravia Dulce, Crujidera, T.
Moribel, T.
Moscatel de Alejandría, B.
Moscatel de Grano Menudo, B.
Palomino, B.
Pardillo, Marisancho, B.
Pardina, Jaén Blanco, B.
Parellada, B.
Pedro Ximénez, B.
Petit Verdot, T.
Pinot Noir, T.
Planta Nova, Tardana, B.
Prieto Picudo, T.
Riesling, B.
Rojal Tinta, T.
Sauvignon Blanc, B.
Syrah, T.
Tempranillo, Cencibel, T.
Tinto de la Pámpana Blanca, T.
Tinto Velasco, Frasco, T.
Torrontés, B.
Touriga Nacional, T.
Verdejo, B.

Verdoncho, B.
Viognier, B.

8. Comunidade de Castilla y León

Provincias: Ávila, Burgos, León, Palencia, Salamanca, Segovia, Soria, Valladolid, Zamora:

Variedades autorizadas:

Alarije, Rojal, B.
Albarín Blanco, B.
Albariño, B.
Albillo Mayor, B.
Albillo Real, B.
Bruñal, Albarín Tinto, T.
Cabernet Sauvignon, T.
Chardonnay, B.
Doña Blanca, Malvasía Castellana, B.
Estaladiña, T.
Gajo Arroba, T.
Garnacha Blanca, B.
Garnacha Roja, Garnacha Gris, T.
Garnacha Tinta, T.
Garnacha Tintorera, T. Garro, Mandon, T.
Gewürztraminer, B.
Godello, B.
Graciano, T.
Hondarrabi Beltza, T.
Hondarrabi Zuri, B.
Juan García, Mouratón, T.
Macabeo, Viura, B.
Malbec, T.
Maturana Blanca, B.
Maturana Tinta, T.
Mencia, T.
Merenzao, Bastardillo Chico, Negro Saurí T.
Merlot, T.
Montúa, Chelva, B.
Moscatel de Alejandría, B.
Moscatel de Grano Menudo, B.
Palomino, B.
Petit Verdot, T.
Pinot Noir, T.
Prieto Picudo, T.
Rabigato, Puesta en Cruz, B.
Riesling, B.
Rufete, T.
Sauvignon Blanc, B.
Syrah, T.
Tempranillo Blanco, B.
Tempranillo, Tinto Fino, Tinta del País, Tinta de Toro, T.
Tinto Jeromo, T.
Touriga Nacional, T.
Treixadura, B.
Verdejo, B.
Viognier, B.

9. *Comunidade Autónoma de Cataluña*

Provincias: Barcelona, Girona, Lleida, Tarragona:

Varietades autorizadas:

Agudelo, Chenin Blanc, B.
Airén, B.
Alarije, Subirat Parent, B.
Albariño, B.
Alcañon, B.
Bobal, T.
Cabernet Franc, T.
Cabernet Sauvignon, T.
Carignan Blanc, B.
Chardonnay, B.
Coromina, B.
Forcada, B.
Garnacha Blanca, Lladoner Blanco, B.
Garnacha Peluda, T.
Garnacha Roja, Garnacha Gris, T.
Garnacha Tinta, Lladoner, T.
Garnacha Tintorera, T.
Garro, Mando, T.
Gewürztraminer, B.
Giró Ros, B.
Godello, B.
Gonfaus, T.
Graciano, T.
Macabeo, Viura, B.
Malbec, T.
Malvasía Aromática, Malvasía de Sitges, B.
Marselán, T.
Mazuela, Cariñena, Samsó, T.
Merlot, T.
Merseguera, Sumoll Blanco, B.
Monastrell, T.
Moneu, T.
Morenillo, T.
Moscatel de Alejandría, Moscatel de Málaga B.
Moscatel de Grano Menudo, B.
Parellada, Montonec, Montonega, B.
Pedro Ximénez, B.
Petit Verdot, T.
Picapoll Blanco, B.
Picapoll Negro, T.
Pinot Noir, T.
Querol, T.
Riesling, B.
Sauvignon Blanc, B.
Solana, T.
Sumoll Tinto, T.
Syrah, T.
Tempranillo, Ull de Llebre, T.
Trepát, T.
Verdejo, B.

Vermentino, B.
Vidadillo, T.
Vinyater, B.
Viognier, B.
Xarello, Cartoixa, Pansa, Pansa Blanca, B.
Xarello rosado, T.

10. Comunidade Autónoma de Extremadura

Provincias: Badajoz, Cáceres:

Variedades autorizadas:

Alarije, Subirat Parent, B.
Albillo Mayor, B.
Albillo Real, B.
Antáo Vaz, B.
Arinto, B.
Bastardo Blanco, B.
Beba, Eva, B.
Bobal, T.
Borba, B.
Bruñal, Albarín Tinto, Baboso Tinto, T.
Cabernet Sauvignon, T.
Casteláo, T.
Cayetana Blanca, B.
Chardonnay, B.
Colombard, B.
Doña Blanca, Cigüente, B.
Fernáo Pires, B.
Garnacha Tinta, T.
Garnacha Tintorera, T.
Gewürztraminer, B.
Graciano, T.
Gran Negro, T.
Jaén Tinto, T.
Macabeo, Viura, B.
Malbec, T.
Malvar, B.
Mazuela, T.
Merlot, T.
Monastrell, T.
Montúa, Chelva, B.
Morisca, T.
Moscatel de Alejandría, B.
Moscatel de Grano Menudo, B.
Pardina, Jaén Blanco, B.
Parellada, B.
Pedro Ximénez, B.
Perruno, B.
Petit Verdot, T.
Pinot Noir, T.
Riesling, B.
Sauvignon Blanc, B.
Syrah, T.
Tempranillo, Cencibel, Tinto Fino, T.

Tinto de la Pámpana Blanca, T.
Torrontés, B.
Touriga Nacional, T.
Trincadera, T.
Verdejo, B.
Viognier, B.
Xarello, B.

11. *Comunidade Autónoma de Galicia*

Provincias: A Coruña, Lugo, Ourense e Pontevedra:

Variedades autorizadas:

Agudelo, Chenin Blanc, B.
Albarín Branco, Branco Lexítimo, B.
Albariño, B.
Albillo Real, B.
Branca de Monterrei, B.
Brancellao, T.
Caíño Branco, B.
Caíño Bravo, T.
Caíño Longo, T.
Caíño Tinto, T.
Castañal, T.
Doña Blanca, Dona Branca, B.
Espadeiro, Torneiro, T.
Ferrón, T.
Garnacha Tintureira, T.
Godello, B.
Gran Negro, T.
Juan García, Mouratón, T.
Lado, B.
Loureira, Loureiro Branco, Marqués, B.
Loureiro Tinto, T.
Macabeo, Viura, B.
Mencia, T.
Merenzao, María Ordoña, T.
Palomino, B.
Pedral, Dozal, T.
Sousón, T.
Tempranillo, T.
Torrontés, B.
Treixadura, B.

12. *Comunidade de Madrid*

Variedades autorizadas:

Airén, B.
Albillo Real, B.
Cabernet Sauvignon, T.
Garnacha Tinta, T.
Garnacha Tintorera, Negral, T.
Graciano, T.
Macabeo, Viura, B.

Malvar, B.
Merlot, T.
Monastrell, T.
Moscatel de Grano Menudo, B.
Pardina, Jaén Blanco, B.
Parellada, B.
Petit Verdot, T.
Sauvignon Blanc, B.
Syrah, T.
Tempranillo, Cencibel, Tinto Fino, T.
Torrontés, B.

13. *Comunidade Autónoma da Rexión de Murcia*

Variedades autorizadas:

Airén, B.
Bonicaire, T.
Cabernet Franc, T.
Cabernet Sauvignon, T.
Chardonnay, B.
Forcallat Blanca, B.
Forcallat Tinta, T.
Garnacha Tinta, T.Garnacha Tintorera, T.
Gewürztraminer, B.
Graciano, T.
Macabeo, Viura, B.
Malvasía Aromática, Malvasía de Sitges, B.
Mencia, T.
Merlot, T.
Merseguera, B.
Monastrell, T.
Moravia Dulce, Crujidera, T.
Moscatel de Alejandría, B.
Moscatel de Grano Menudo, B.
Pedro Ximénez, B.
Petit Verdot, T.
Pinot Noir, T.
Riesling, B.
Rojal Tinta, T.
Sauvignon Blanc, B.
Syrah, T.
Tempranillo, Cencibel, T.
Verdejo, B.
Verdil, B.
Viognier, B.

14. *Comunidade Foral de Navarra*

Variedades autorizadas:

Alarije, Malvasía Riojana, B.
Albariño, B.
Albillo Mayor, Turruntés, B.
Bobal, T.
Cabernet Franc, T.

Cabernet Sauvignon, T.
Chardonnay, B.
Garnacha Blanca, B.
Garnacha Roja, Garnacha Gris, T.
Garnacha Tinta, T.
Gewürztraminer, B.
Graciano, T.
Gros Manseng, B.
Hondarrabi Zuri, B.
Macabeo, Viura, B.
Malbec, T.
Maturana Blanca, B.
Maturana Tinta, T.
Mazuela, Mazuelo, T.
Merlot, T.
Monastrell, T.
Moscatel de Grano Menudo, B.
Parellada, B.
Petit Courbu, B.
Petit Manseng, B.
Petit Verdot, T.
Pinot Noir, T.
Riesling, B.
Sauvignon Blanc, B.
Syrah, T.
Tempranillo Blanco, B.
Tempranillo, T.
Verdejo, B.
Viognier, B.
Xarello, B.

15. Comunidade Autónoma do País Vasco

Provincias: Araba, Gipuzkoa, Bizkaia:

Variedades autorizadas:

Alarije, Malvasía Riojana, B.
Albillo Mayor, Turruntés, B.
Cabernet Sauvignon, T.
Chardonnay, B.
Folle Blanche, B.
Garnacha Blanca, B.
Garnacha Tinta, T.
Graciano, T.
Gros Manseng, B.
Hondarrabi Beltza, Ondarrabi Beltza, T.
Hondarrabi Zuri, Ondarrabi Zuri, B.
Macabeo, Viura, B.
Maturana Blanca, B.
Maturana Tinta, T.
Mazuela, Mazuelo, T.
Monastrell, T.
Moscatel de Alejandría, B.
Moscatel de Grano Menudo, B.
Parellada, B.

Petit Courbu, B.
Petit Manseng, B.
Pinot Noir, T.
Riesling, B.
Sauvignon Blanc, B.
Tempranillo Blanco, B.
Tempranillo, T.
Verdejo, B.
Xarello, B.

16. *Comunidade Autónoma de La Rioja*

Variedades autorizadas:

Alarije, Malvasía Riojana, B.
Albariño, B.
Albillo Mayor, Turruntés, B.
Chardonnay, B.
Garnacha Blanca, B.
Garnacha Tinta, T.
Gewürztraminer, B.
Graciano, T.
Hondarrabi Zuri, B.
Macabeo, Viura, B.
Maturana Blanca, B.
Maturana Tinta, T.
Mazuela, Mazuelo, T.
Monastrell, T.
Moscatel de Alejandría, B.
Moscatel de Grano Menudo, B.
Parellada, B.
Pinot Noir, T.
Riesling, B.
Sauvignon Blanc, B.
Tempranillo Blanco, B.
Tempranillo, T.
Verdejo, B.
Viognier, B.
Xarello, B.

17. *Comunidade Valenciana*

Provincias: Alacant, Castelló, Valencia:

Variedades autorizadas:

Airén, B.
Alarije, Malvasía Riojana, Subirat Parent, B.
Albariño, B.
Bobal, T.
Bonicaire, Embolcaire, T.
Cabernet Franc, T.
Cabernet Sauvignon, T.
Chardonnay, B.
Forcallat Blanca, B.
Forcallat Tinta, T.

Garnacha Blanca, B.
Garnacha Tinta, Gironet, T.
Garnacha Tintorera, T.
Garro, Mando, T.
Gewürztraminer, B.
Godello, B.
Graciano, T.
Macabeo, Viura, B.
Malbec, T.
Marselan, T.
Mazuela, T.
Mencia, T.
Merlot, T.
Merseguera, Exquitsagos, Verdosilla, B.
Miguel del Arco, T.
Monastrell, T.
Moravia Dulce, Crujidera, T.
Moravia Agria T.
Morenillo, T.
Moscatel de Alejandría, B.
Moscatel de Grano Menudo, B.
Parellada, B.
Pedro Ximénez, B.
Petit Verdot, T.
Pinot Noir, T.
Planta Fina de Pedralba, B.
Planta Nova, Tardana, B.
Prieto Picudo, T.
Riesling, B.
Sauvignon Blanc, B.
Semillon, B.
Syrah, T.
Tempranillo, Cencibel, Tinto Fino, T.
Tinto de la Pámpana Blanca, T.
Tortosí, B.
Trepát, T.
Verdejo, B.
Verdil, B.
Vidadillo, T.
Viognier, B.
Xarello, B.»

Disposición derradeira única. *Entrada en vigor.*

O presente real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 20 de setembro de 2019.

FELIPE R.

O ministro de Agricultura, Pesca e Alimentación,
LUIS PLANAS PUCHADES